



B.a.85.

Müssälius, A.

(1-2)-4) →

MF (1-4.)

1

Two Predigt-

**Wie man sich Christlich
halten soll / Wan grosse Unge-
witter oder Hagel sich erheben / wie
sampt einer Unterrichtung / von dem
Leutten gegen dem Wetter / Wa-
rumb sie kommen / vnd wie sie vertrieben
werden. Auch ein Kurze Lehr vnd
Trost / Wie man sich in grossen
Ungewittern erinnern / weß
man sich Trosten
soll ic.**

Die Erst.

**D. Johān. Brenken.
Die Anders.**

**Thoman Röters.
Das Dritte.**

M. Christoffen Wischers.

1570.



Ein Predig vō dē Hagel vñ Ungleiter.

Ein Predig vō
dem Hagel vnd Unge-
witter / Wo es hehr kom / vnd
wie man sich darben Christlich
halten soll / Gepredigt durch dē
Ehrwirdigen Herren /
Doctor Johān.
Brenzen.

Ba 85

Mir haben (meine
Geliebten inn Christo)
am nechst verschinen Son-
tag / die Auslegung des 110.
Psalmen Davids gehöret / vnd
darauß vernommen / wie der
A ii König-

Ein Predig von dem
Königlich Prophet David
Christum als einen Son Got-
tes / als einen König vnd Prie-
ster beschrieben / vnd vns für-
gehalten / auch hiemit verma-
net habe / so wir einen Gnedi-
gen Gott wöllen haben / vnd
inn aller widerwärtigkeit sicher
sein wöllen / sollen wir vns zu
dinem König in sein Reich be-
geben / vnd an ihn Glauben /
auff das wir nit mit den Gott-
losen in dem gestrengen Gericht
Gottes verderben vnd zu
grundt gehen. Nun ist aber das
Reich Christi nit also eng ein-
gezogen / dß Christus im Himmel

Hagel vnd Ungewitter.

mel in seiner Majestet müßig
sizzen/ vnd hie auff Erden alle
dingshres gefallen / oder one
geserd / sollte gehn lassen. Son-
dern Paulus sagt zun Ephes.
am 4. Cap. Das er sen Auß-
gefaren gen Himmel / auff das
er alles ersfülle / Das ist / das er
allenthalb gegenwärtig sey / vñ
alles verwalte. Wie auch Da-
uid in dem s. Psalm von ihm
sagt/ HERR du wirst ihn mit
Ehren vnd Schmuck zieren/
Du wirst ihn zum Herren ma-
chen über deiner Hende werck /
Alles hast du vndter sein Füsse
gethan / Schaf vnd Ochsen

A ih allzu-

Ein Predig voh dem
allzumal / darzu auch die Wil-
den Thier. Solches wirdt vns
darumb fürgehalten / das wir
hiemit vnser vnglaubige Abgöt-
tische art ausschlagen / vñ vn-
fers Berüßs trewlich ausswar-
ten. Der vnglaub vnd Abgöt-
terey ist mancherley / Dañ das
heisset nicht allein Abgötterey
damit die vnglaubigen Heyden
vñgegangen/als da ist/ die an-
rüssung der Bildtnuß ic. Son-
der das heisset vñnd ist auch ein
Abgötterey / da man dem Sa-
tan vnd seinen Dienern / Vu-
holden / vñnd Zauberern zü-
schreibt / Das der Göttlichen
Maye-

Hagel vnd Ungewitter.

Mayestat zugehöret. Item es
ist auch ein Abgötterey / da ei-
ner inn dem vnglück dermaß-
sen vnd so gar verzaget / das
er meinet es sey kein GÖTE
mehr der helffen könne / Rüf-
set ihn auch nicht mehr an / son-
dern suchet anderstäo hilff/
vnd rettung / Vnd wolte
GÖTE das solche erzelte Ab-
göttereyen beh vns gefallen
weren / als wieder Heyden Ab-
götterey ein endt genummen
hat. Aber leyder vnd zu samern
ist es / dz deren sehr vil sein (wie
die erfarnuß gibt) die allein

A iiiij den

Ein Predig von dem
den Namen der Abgötterey ge-
endert / vnd doch mit der hat
das Gottlose Leben vnd Ab-
götterey behalten. Das dem
also/haben wir es auf den Ge-
schichten/so sich vor etlichen ta-
gen zugetragen/zusehen. Daß
Gott der Herr hat uns mit ei-
nem Hagel vom Himmel herab
heimgesucht/vnd uns darmit
zu erkennen geben/ das er noch
Herrsc̄he vnd Regiere/hat uns
auch darmit wollen anzeigen/
was er in einem augenblick wi-
der uns vermöchte/ wan̄ er wol-
te sich seines gwalts brauchen.
Wie halten aber wir uns dar-
gegen?

Hagel vnd Ungewitter.

gegen? Nicht anders dann wie
vñser alte art ist. Etliche nach
dem sie geschen/das der Hagel/
Wein vnd Korn erschlagen/ha-
ben sie sich also jemmerlich ge-
stellet / das man auß ihren ge-
berden nicht anders hat ver-
nemmen können / dann das sie
meinen/ Ḡott sey selbs gestor-
ben/ vñ sey nun kein hilff mehr/
weder im Himmel / noch auff
Erden. Andere haben sich
ganz vñuerschampt mercken
lassen / solcher Hagel sey nicht
von Ḡott zugeschickt / Son-
der es haben shn die Zauberin
vñ Unholden gemacht/ fiengen

A v an

Ein Predig von dem
an vnnid schrieren / man solte die
Unholden alle Verbrennen /
Darneben vergassen sie ihrer
Sünd / vnd meineten sie hetten
nyc kein Wasser trüb gemacht /
vnnid weren gar unschuldig für
Gott. Das ist ein offentliche
Abgötterey vñ Heydnisch we-
sen. Dann welche inn der noth
an Gottes hilff verzweyfeln /
vnnid sich nichts anders stellen /
dann als ob Gott were gestor-
ben / Item welche Gottes werck
dem Teuffel / vnnid seinem an-
hang zuschreiben / die zeugen
offentlich darmit an / das sic
den anfang vnsers Christli-
chen

Hagel vnd Ungewitter.

chen Glaubens nicht wissen o-
der verstehen. Bekennen wir
doch in dem Ersten Artickel des
Glaubens / das GOETE All-
mächtig sey. So bitten wir in
dem Vatter vnser / das vnns
GOETE vnser täglich Brodt
wölle geben. Deszgleichen
werden wir inn dem Ersten
Gebott der Zehn Gebot Got-
tes vermanet / dz wir nit frem-
de Götter sollen haben / sonder
sollen GOETE den Herren al-
lein anrüffen. Was thun aber
solliche Leut? Sie werden zu
Ketzern / wie die Marcionit-
ter / machen zwey Götter/
einen

Ein Predig von dem
einen / von dem das gute / den
anderen von dem das böse her-
komme / machen den Teuffel
selbs zu einem Gott / das kan
ihac ein grosse Abgötterey sein?
Selches alles angesehen / hat
mich für nuß vnd güt ange-
sehen / etwas auff diß mal von
dem Donner vnd Hagel zu
Predigen / vnd kurzlichen an-
zuzeigen / wo doch solchs Don-
nern vnd Hageln / darab wir
vns pflegen zu entsezen / her-
komme / Auß das wir lehnen
was wir thün sollen / den Ha-
gel zuvertreiben / das er keinen
schaden thü. Item / was wir
den

Hagel vnd Ungewitter.
den zugesfügten schadē des Ha-
gels in einen nutz verwandeln
mögen / Dann so wir solches
lehnen / werden wir GÖTE
den Vatter sampt seinem Son
Iesu Christo recht lehnen erken-
nen / vnd mörcken / das er dan-
noch Regiere / ob schon ein Ha-
gel kommen / vnd das Getreyd
erschlagen / vnd das noch mehr
ist / Wir werde hiemit auch vn-
sern Katechismum / das ist / vn-
sern Glauben / Vatter unsrer /
vnd Zehen Gebott recht lehr-
nen verstehen / vnd hinsür in ei-
nem Gottselige Leben wandle.
Wolan / ansenglich soll ewer
lieb

Ein Predig von dem
lieb wissen / das ich jeknindt nit
nach natürlicher weiß / sonder
nach anzeigung Gottes worts
von dem Hagel reden werde.
Natürlicher weiß (wie die Na-
turkündiger daunon schreiben)
hat es dise meinung mit dem
Hagel / dz er daher kommt / Nem-
lich / wann die feuchten dünst/
vnddempff des Erdtrichs auff-
steigen / vnd durch der Son-
nen hitz bis hinauff in das mit-
tel theyl des Lufsts (in dem die
Wolcken sein) dezogen wer-
den / Als dann werden solliche
dempff durch die felte zusammen
getrieben / Also das ein Wolct
darauß

Hagel vnd Ungewitter.

darauf wirdt / wann nun die
selbig Wolck durch der Son-
nen hitze erweichet / so kompt
einwunders ein Regen oder ein
Hagel zu Sommerzeit dar-
auf / Ein Regen gibt sie / wann
die Tröpflein durch die Kelt des
Lustis nicht widerumb gefrü-
ren / Einen Hagel aber / wann
sie widerumb durch die Kelt zu
samen gefrieren vnd hart wer-
den. Also reden (sage ich) die
Naturkündiger von dem Ha-
gel / vnd ist recht dauron geredt.
Aber auf der heiligen Schrift
müss man Lehnen / wer der

All-

Ein Predig von dem
Allmechtige Schöpffer / vnd
Verwalter solcher natürlichen
ordnung sey / vnd auß was vrsachen
er es also ordne vnd ver-
walte. Es wirdt der Mensch
in Mutter leib auch auß natür-
lichen vrsachen geboren / aber
doch/wā nicht ein Gott werel-
der solche natürliche vrsachē er-
schaffen hette / vñ verwaltet / so
wurde nichts auß dem Men-
schen / erkündete nicht inn diese
Welt geboren werden. Also iss
auch ein ding mit dem Hagell
er hat sein vrsprung vnd her-
kommen durch sein natürliche
mittel vnd ordnung / wie ange-
zeiget /

Hagel und Ungewitter.

Zeiget! Aber Gott ist der solche Ordnung erschaffen / vnd sie auch zu seinem brauch verwaltet. Es meinen ha die Gottlosen / das der Teuffel sampt den Zauberin vnd Unhulden so mechtig sehen / das sie einen Hagelmachen / vnd Wein vñ Korn darmit erschlagen konnen. Aber die heilige Schrifft lehret uns vil anders / nemlich / das Gott selbs der sey / so den Hagel erschaffe vnd mache / mache ihn aber darumb / das er die Gottlosen darmit straffen wolle / auff das sie zu erkendt- nuß ihrer Sünden kommen / vnd

B sich

Ein Predig von dem
sich bessern / Die frommen aber
will er darmit probieren / ob sie
auch in warem Glauben ver-
harren wollen. Dessen wollen
wir kundtschafft auß der heili-
gen Schrifft vernemen. Im
andern Buch Moysi am 9.
Capitel Lesen wir / Das Gott
dem Moysi befalcht / Er solte
sein Handt außstrecken das es
Hagelt über ganz Egypten-
landt / über Menschen / vnd
 Viech. Sihe / da ist öffentlich
angezeigt / das G O T T ein
Ursacher des Hagels sey / vnd
schicke jhn darumb / das er der
Menschen Sünde vnd bos-
heit

Hagel vnd Ungewitter.

heyt darmit wölle straffen.

Also sagt auch Job inn sei-
nem Buch am 38. Capittell
Bist du gewesen (sagt Gott)
da der Schnee herkompt? O-
der hast du gesehen wo der Ha-
gelherkompt? Dieich hab ver-
halten bisz auff die zeyt der
Trübsal / vnd auff den Tag
des Strengts vnd Kriegs ic.
Abermals hören wir hie / wie
Gott selbs sagt/das er den Ha-
gel schicke. Dessen haben wir
auch ein Exempel / inn dem
Buch Josua / am zehenden
Capittel/ Dann daselbst wirdt

B is ange-

Ein Predig von dem
angezeiget / wie Gott der Herr
einen grossen Hagel vber die
feinde des Volks Israels ge-
schicket / vnd ihrl vilmehr durch
den Hagel verderbt habe / dann
das Volk mit dem Schwerdt
erwurget hatten. Item in dem
Propheten Aggeo am 2. Cap.
sagt Gott / Sihe ich habe euch
geplagt mit Dürre / Brandt-
korn vnd Hagel / in aller ewer
arbeit noch keret ihrl euch nicht
zu mir. Zwey schicklein will
der Prophet ons hie zuuerstehn
geben / Eins / dz der Hagel von
Gott dem Herrn herkomme.
Das ander / das GOTTEN
Hagel

Hagel vnd Ungewitter.
Hagel schick die GDE Elosen
darmit zustraffen/vnnd sie dor
Buß zu bekeren.

So höre ich wol (möchte
hic einer sagen) der Satan vnd
die Unhulden thun gar nichts
zu dem Hagel? Antwort. Wir
haben jetzt gehört / das GDE
vnd nicht der Teuffel ein Vrsa-
cher vnnid Verwalter des Ha-
gels sey. Das sollen wir wol
mercken. Der Teuffel aber ist
also gesinnet/das er nichts gütts
will / vñ trachtet allein dahin/
wie er dem Menschen inn zeit-
lichen vñ in Geistlichen sachen

B iii könne

Ein Predig von dem
können vnd möge schaden zu-
fügen. Aber er kan nichts on
den willen vnd verhengnuß
Gottes / Wie solches an dem
Job zusehen inn seinem Büch
am ersten vnd andern Cap.
Er war wol geneigt darzu/vnd
trachtet dem Job nach seinem
verderbnuß/aber nicht ein her-
lein hat er im on verhengnuß
Gottes auff seinem haupt be-
wegen können. Item im ersten
theyl der König am 22. Cap.
Kondte der Teufel des Königs
Achabs Propheten nit betrie-
gen/ bisz das ihm Gott solches
zuliesse. Deszgleichen haben
wir

Ein Predig von dem
wir im Newen Testamente/
Matth. am 8. Das der Teuffel
den Schweine nichts hat thün
können / bisz es ihm Christus
vergönnet. Lue. am 22. Cap.
kander Teuffel die Jünger nit
versuchen / bisz das im Christus
verhenget / Der Sathan (sagt
Christus zu Petro) hat ewer
begert / dz er euch sichten möch-
te / als wie man den Weizen
sichtet / Aber ich hab für dich
gebetten / das dein Glaub nit
abneme n. Das sein eytel Ex-
empel / darauß wir vernemen /
das der Böse feindt gleich wol
vbel gegen unns gesinnet sey /

B iiiij. Aber

Ein Predig von dem
Aber doch sey er ganz krafftlos
vnd onmechtig / wann ihm
Gott der Herr nicht verhenget.
Kan dann der Teuffel den Lust
nicht verändern / vnd ein Wet-
ter anrichten / vil weniger wer-
den es die Unhulden können ic.
Wie kommt es dann / das die
Weltlichen Recht die Zauberer
vnd Zauberin zu straffen ver-
ordnet haben? Dann also spie-
chen die Keyserlichen Recht / Es
sein deren vil die mit bösen
Künsten umbgehn / die die Ele-
ment betrüben vnd vergiff-
ten / die auch der unschuldigen
Menschen Leben nicht verschö-
nen /

Hagel vnd Ungewitter.

nen / sonder ihnen schaden zu-
sszen / Dieweil nun solche Leut
der Natur zuwider / sollen sie
vom Leben zum Todt gerich-
tet werden. Also Lesen wir
auch im Andern Buch Moysi
am 22. Capittel / Das Göt
zum Moysé sagt / Du sollt kein
Zauberin leben lassen. Wann
nun kein Zauberin were / oder
so sie keinen Hagl machen kön-
ten / warumb sollte sie dann das
Weltlich Recht / sonderlich a-
ber das Gesetz Moysi / das sei-
nen Ursprung aus dem heiligen
Geist hat / straffen ? Hie müssen
wir einen solchen bericht mer-

B v cken /

Ein Predig von dem
cken / Die Keyserlichen Rechtl
darzu auch das Göttlich Ge
sez Monsi / straffen die Unhul
den vnd Zauberin nit darum /
das sie für sich selbs jres gefal
lens ein vngestüme vnd Hagel
folten machen können / sonder
darumb / das sie sich ganz vnd
gar dem Teuffelergeben / vnd
in des Satans Geist als ersof
sen sein / das sie nichts anders/
dann (mit ihrem Herren dem
Teuffel) das verderbnuß der
menschen suchen vñ gedencken/
Auch nit anders meinen / dann
dz sie selbs thün / was der Teu
fel aus verhengknuß Gottes
thüt.

Hagel vnd Vngewitter.

thüt. Dann wann Gott dem
Teuffel zu einem Hagel ver-
henget / so manet der Teuffel
seine Unhulden / die sich ihm
ergeben haben/das sie ihz Zau-
beren zurüsten / Wann dann
nun der Hagel kommt / so kom-
met er nicht darumb / das ihn
die Unholden gekocht haben/
Sonder/das ihn Gott der
Herr dem Sathan verhenget
hat / Werden also die Unhul-
den von dem Teuffel betrogen
vnd beredt / als ob sie es ge-
schon hetten / das doch allein
aus verwaltung Gottes ge-
schehen ist. Darumb straffen
die

Hagel vnd Ungewitter.

die Rechte solches Gottlose Le-
ben vnd vnglauben an solchen
Zauberinnen / nit das sie scha-
den thun können für sich selbs/
sonder das sie wöllen meinen/
sie thüns/vnnd das sie sich gar
miteinander dem Teuffel zum
schaden vnnd verderbniß der
Menschen ergeben haben.

Warumb verhenget aber
Gott der Herr dem Teuffel so
vil/dz er ihn ein Hagel machen/
Wein vnd Korn auff dem Feld
erschlagen lasset? Antwort. Ich
hab vorgemeldt/ das Gott den
Hagel schaffe vnd fallen lasset/
das er die frommen inn shrem
Glauben

Hagel vnd Ungewitter.

Glauben probieren / die Gott-
losen aber straffe / auff das sic
ihre Sünden erkennen / vnd
Buß thün. Bey solcher ant-
wort lassen wir es sezhundt blei-
ben/ Vnd wöllen ferrers auch
anzeugen / auff was weiss wir
dem Hagel fürkommen vnd
abweisen können. Hierinn sein
mancherley irthumen / Eliche
legen geweichte Kreyter in das
Fewer/ vnd meinen das durch
den rauch der Kreyter die Teu-
sel aufz den Lüfftten vertrieben
werden/ Aber dises ist ein offent-
liche Abgötterey vnd Zauber-
rey/ dañ die Teufel sein Geister/
vnd

Ein Predig von dem

vñ lassen sich mit solchē leiblichē
dingen gar nit vertreiben. Und
welliche mit sollichem Rauch-
werck vmbgehen / das sie die
Unholden vnd Teuffel darmit
veriagen wöllē / die sein nichts
bessers / dann die Unholden
selbs / vnd solten billich gleiche
straff mit jnen empfahen. An-
dere haben Ach hörner / wann
nun das Wetter daher geht/siel
len sie sich gegen dem selbigen/
vnd blasen in das Horn / Die-
weil sie aber solchen blasen das
veriagen des Teuffels zume-
sen / ist solches blasen auch ein
Abgötterey. Ferres wirdt
auch

G. 14.

Hagel vnd Ungewitter.

auch das Wetterleutten wider
den Hagel vnd vngestüme des
Wetters gebraucht / hieuon wöl-
len wir etwas melden / vnd
siehet die sach also darmit / das
die Frommen ihnen solliches
Leutten wol können nutz ma-
chen / Die Gottlosen aber miß-
brauchens / dann sie wollen
meinen / wann man mit den ge-
taufften Glocken gegen dem
Wetter Leutte / so vertreibe der
schall solcher Glocke die Teufel
aus den Lüftten / vnd müsse der
Hagel nachlassen. Das ist ein
gar grosse Abgötterey / Einmal
darumb / das man die Glocken
taufft /

Ein Predig von dem
taufft. Zum andern / das man
dem Geleudt zuschreibt / was
Gott zugehöret. Die Gotts-
fürchtigen aber können sinen/
wie gemelt/auff zwien weg nuß
machen / Nembllich Weltlicher
vnd Geislicher weiz. Auff
Weltliche weiz also/das die zug
hafften Menschen durch das
gethon vnd schall der Glocken
etlicher massen getrostet wer-
den / das dannoch noch Leut
fürhanden seyen. Darnach
auff Geisliche weiz also / das
die faulen durch solches Leutte
zu erkendtnuß des zorn Got-
tes/vnd zu dem Gebett bewegt
werden

Hagel vnd Ungewitter:

werden/ Dann das Leutten ist
eben so vil/ als wann man sagt/
Bette/ auff das Gott mit sei-
nem zorn nachlasse. Wann wir
schédz ein vngestümes Wetter
daher geht / solten wir der Kir-
chen zurennen/ vnd Gott dem
Herren seinen zorn abbetteln/
Aber weiles zur selbigen zeit nit
will gelegen sein inn die Kirch
zugehen / so haben die Alten
die Glocken Leutten lassen/ alle
Menschen damit zuerinnern/
das sie daheim in shren heusern
mit solchem fleiß / sampe shrem
Haussgesind betten solten / als
wann sie gleich inn der Kirch

G weren.

Ein Predig von dem
weren . Solcher brauch des
Wetterleutens gienge hin / vñ
were zu dulden / Aber dem Wet-
terleutten für sich selbs / oder
den getauftten Glocken / so et-
wann die Weichbischoff Ge-
tauft habē / die krafft zu schrei-
ben / das sie dem Teuffel sampt
dem Hagel vertreiben sollen / ist
ein rechte öffentliche feiste Ab-
götterey / dañ das Glockenleut-
ten kan den Teuffel vñnd Ha-
gel nicht vertreiben.

Darnach sein andere / wan
sie wöllen dem Hagel hinsüro
fürkummen / schreyen sie / Mit
den

Hagel vnd Ungewitter.

den Unholden solle man dem
Fewer zu. Nun ist es nicht we-
nigers/ die Obrigkeit soll/ver-
mög der Rechten mit solchen
Leuten handeln/ vnd sie straf-
sen/ doch mit zusehen/ das man
nicht auff hör (ich sagen) mit
den Leuten handle / sonder ge-
wissen grundt vnd fundtschaffe
hahe. Aber was ist es/ wann
schon alle Unholden verbren-
net werden/ so were darum noch
nicht der Hagel vnd Donner
vertrieben. Es kan Gott/wie
oben vermeldet/ dannach Don-
ner vnd Hagel schicken.

C ii Was

Ein Predig von dem

Was muß man dann zu ver-
kommniss des Hagels thun? O-
ben hab ich angeigt / wie Gott
ein Ursacher vnd verwalter
des Hagels sey / vnd verhen-
ge dem Teufel vmb unsrer Sün-
de willen / das er einen Hagel
mache / vmb der Sünde willen
(sag ich) verhengt Gott dem
Teuffel. Was seind dañ dassel-
big für Sünde? Ach Gott!
wer wolt die Sünde alle erze-
len? Wir wollen allein etliche
der nechsten anzeigen. Dann
eben mit waserlen Sünde wir
Sündige / mit solcherlen pflegt
uns Gott auch zu straffen/ wie
im

Bagel vnd Ungewitter.

im Gesetz angezeigt / Aug vmb
Aug / Handt vmb Handt / Zan
vmb Zan / Fuß vmb Fuß / Wir
Sündigen mit Wein vnd Ko-
ren / darumb müssen wir auch
an Wein vnd Korn gestrafft
werden / Reich vnd Arm thut
solches / Die Reichen reissens
alles zu sich / vñ thun als wo-
lehn am Erdboden zerrinnen /
wann sie sich dann wol begra-
set / Kasten vnd Keller volha-
ben / so ist darnach des überfluss
mit Schlemmen vnd prassen
kein ende nicht. Die Armen
aber gehn gemeinklich darmic
vmb / das sie ihre Herren / denen

G iß sic

Ein Predig von dem

sie Gült/Frucht vnd Zehenden
schuldig sein / betriegen. Da-
rum geht es wie Amos am 4.
Cap. Spricht: Ir zu Sama-
ria thüt dem dürftige vurecht/
vnd untertrettet den Armen/
Darumb hab ich den Regen
verhalten/auff einen Acker hab
ich Regnen lassen/auff den an-
dern hab ich nit regnen lassen.
Item Aggei am 1. Capit. So
spricht der Herr/ Sehet wie es
euch gehet/ Ir seet vil/ vñbrin-
get wenig ein/ Ir esset/vnd wer-
det doch nicht satt/ Ir trincket/
vnd werdet doch nicht trun-
cken/ ii. Warumb? Darumb/
das

Hagel vnd Ungewitter.

Das mein Haß (Spricht
Gott) So wüste siehet / vnd
jetlicher eylet auff sein Haß /
darumb hat der Himmel vber
euch den Thaw verhalten / vnd
das Erdreich sein gewechs /
vnd ich habe die Dürre ge-
rissen beyde vber Landt vnd
Berge / vber Korn / Most / Ole /
vnd vber alles was auf der
Erden kompt / auch vber Leut
vnd Viech / vnd vber alle ar-
beit der hende. Und hernach
im 2. Capitel / sagt er / Ich hab
euch (sagt der Herr) mit Dür-
re / Brandtkorn vnd Hagel
in aller ewer arbeit geschlagen.

G iiss Warumb

Ein Predig von dem
Warumb dz spricht der Herr?
Darumb dz mein Haß noch
nicht gebawen ist. Desglei-
chen sagt Gott auch durch den
Propheten Malachiam am 3.
Cap. Ir seind verflucht am
Zehenden vnd Hebopffer/Ver-
flucht seind ijr das euch alles
vndter den Henden zerrinnet/
dann ijr Teuschet mich alle-
sampt. Wie vil Vnderthanen
findet man die unwillig vnd
betrüglich geben was sie schul-
dig sein? Wann sie Gült vnd
Zehenden geben sollen/sprechen
sie/es gehöre auff den Teufels
haussen / das ist ein offentliche
CHURCHES
ander-

Hagel vnd Ungewitter.

anzeigung eines Gotlosen her-
ken vnd gemüts. Dieweil sich
dann Reich vnd Arm also vn-
gebürlich hältet mit Wein vnd
Korn also Sündiget / so geben
sie Gott dem Herrn vrsach / das
er zu jenzen verhenget / das ein
Hagel kompt / der Wein vnd
Korn erschlecht. Darumdürf-
sen wir nicht vil geschreyß ha-
ben wider die Unholden / das
man mit jnen dem Feuer zueh-
le / dann mit solchem geschrey
verurtheulen wir vns selbs
auch zum Feuer / Und wann
es die meinung sollte haben / das
man alle Unholden vnd solche

G v Ecce

Ein Predig von dem
Leut verbrennen sollte die schuld
haben an dem Hagel / lieber wo
wolte man Fewer gnug nem-
men/vnd wer wolte sicher blet-
ben? Es wurden weder Ober-
keit noch Unterthanen / weder
Herr noch Knecht / sicher sein.
Darumb so du wilt vnd bege-
rest den schaden des Donners
vnd Hagels zu fürkommen/
so Lehrne auf dem selbigen dei-
ne grosse Sünd vnd Bosheit
erkennen/ Bekere dich zu dem
Herrn/vnd thue Buß / Richt
dein Beruff vnd Amt fleissig
auf/ Als dann ob dir schon ein
schade begegnet/ so will Gott
der

Biegel vnd Ungewitter.
der H^EXr dir denselbigen mit
seinem segen widerumb erstat-
ten / durch seinen Son Jesum
Christum / welchem sey lob/ehr
vnd preysz / mit Gott dem Vat-
ter vnd Heiligen Geist
von nun an immer
vnd ewiglich/
Amen.



**Ein Predig vō
dem Leutten / gegen das
Wetter / Sampt einer sei-
nen Unterricht / Warumb
die Wetter kommen/
vnd wie die sollen
Vertrieben
werden.**

B a 85

Geschrieben.

Durch Thomam Röder
Pfarrherz zu Prud.

M. D. LXX.



Geistliche Psalmen

aus der Zeit der Reformation

und der Gegenreformation

in deutscher Sprache

aus dem 16. Jahrh.

aus dem 17. Jahrh.

aus dem 18. Jahrh.

aus dem 19. Jahrh.

W. D. XXX

Gnad / Frid /
vnd barmherzigkeit von
Gott dem Vatter / durch un-
sern herren Jesum Chri-
stum / Amen.

GWer Liebe verneme
Ein Spruch aus dem 37.
Capittel Hiobs / also lautend.
Lieber höret doch / wie sein
Donner zörnet / vnd was für
Gesprech von seinem Munde
auszugehet. Er sihet vnter allen
Himmeln / vnd sein Blitz scheit-
net auff die Ende der Erden.
Denn

Ein Predig von dem
Demnach brülltet der Donner/
vnd der Donnert mit seinem
grossen schall/ Und wenn sein
Donner gehört wirdt / Kan
mans nicht auff halten. Gott
Donnert mit seinem Donner
gewlich/vnd thüt grosse ding/
vnd wirdt doch nicht erkandt.

Erfklärung dises
Spruchs.

Ich hette wol mögen
leyden/das sich ein Ander
von diser Materi zupredigen
vnd zuschreiben / vnd terfan-
gen hette/ Sonderlich weil der
Miß-

Leüten gegen das Wetter.

Mißbrauch sehr gross / vnd
wol einer starcken Büßpredig /
sampt einer guten vndtericht
von nöten ist. Weil es aber nie-
mandt thüt (angesehen / das
man inn Sterb vnd Kriegs
zeit / straff / bericht vnd trost /
hat lassen aufzugehen) so soll vñ
will ichs thün / allein das ich
besorg / ich als ein einfeltiger /
werde es nicht überal so tref-
fen / das es jederman gefallen
werde. Bitte derhalben / wöl-
let mit mir inn ehl vergut nem-
men / Und da es jemandt be-
schränk / der Schreib vnd Pre-
dige besser / oder aber laß mir

D in

Ein Predig von dem
inn des diese meine Predig zu
friden.

Nun ist aber von diser Ma-
teri anderst vnnnd fruchtbarli-
cher nicht zu Predigen / dann
man zeige ersilich an die vrsach/
darumb Donner vnd Pflizm/
Hagel vnnnd Schwur vber die
Menschen kommen.

2. Darnach die rechten mit-
tel/durch welche das Ungewit-
ter / one schaden abgetrieben/o-
der s̄he zum wenigsten gelindert
wirdt / Darumb soll ewer liebel
Ersilich die vrsach / vnnnd dar-
nach die mittel wolmercken.

Der

Leüten gegen das Wetter.

Der vrsachen darumb vn-
gewitter kommen / sind dreyerleye

Die Erste ist / Wie nicht al-
lein die Weisen Heyden schrei-
ben / sonder auch die alten ein-
fältigen Burger vnd Barvn
Glauben / die groß hitz so Som-
mer zehten erfolgt / vñ da es an
gemelte hitz were / wurde man
sich nicht so vil Hagel vnd
schawr zubefaren haben / Seh
derhalben ein Natürlich zusel-
lig ding / vnd nicht straff oder
zorn Gottes / vnd da es nicht
ein Natürlich ding were / wur-
de es im Winter gleich so wol /
D i j als

Ein Predig von dem
als im Sommer gehört vnd
gesehen werden.

Nun ist es wol war / das
grosse Hiz / grosses Donnern/
vnd blizen bringt / aber es ist
noch nit die Principal ursach.
Dann wie man sihet / so Don-
nert vnd Blizt es nicht allein
im Sommer / sonder auch im
Wintter/vnd zur zeit der Kel-
te / Wie man Anno 1552.
Mitten im Januario / da es
doch gar ungewöhnlich / vnd
schier am Keltisten ist / erfahren/
Dann dasselbe mal hat es bey
Nacht an einem/sondern zu ge-
leich

Leutten gegen das Wetter.

leich an vilen orten (zu Sulz-
bach / Forchheim / Fürt / Reiche-
neck) nicht allein gewlich ge-
schuetet vnd gewehet / sonder
auch graussam gedonnert vnd
geplizt / wie es dann hernach
bei Tag zu Alwerbach auffm
Thurn / einen Man erschlagen
hat / also das man vermeindt /
es wurde der Jüngste Tag kom-
men / oder aber alles vnder-
gehen vnd verderben. Darumb
muß solcher gewalt über natür-
lich / vnd kein zufellig ding sein /
sonderlich weil geschrieben ste-
het / Hiob am 37. Cap. Gott
Donnert mit seinem Donner

D iij gewlich

Ein Predig von dem
gewlich vnd thüt grosse ding/
vnd wirdt doch nicht erkandt.

Darnach ist noch ein ande-
re vrsach. Das etliche Zauber-
er vnd Zauberin / durch macht
des Teuffels / solche Wetter/
Donner vnd Blikken / Hagel
vnd Schwir / anrichten / vnd
die frucht auff dem Feld / iha et-
waß gar die Leut verderben vñ
erschlagen. Aber das ist auch
nicht die rechte vrsach / das ist /
ob wol der Teuffel mechtig / vñ
de Menschen / sampt alle dem /
was de Menschē zughört / sehr
feind / vñ des zauberns unter de
hōsen verdampfte Leute sehr vil
ist

Lieder gegen das Wetter.

Ist/wie nicht allein die Historia
zeuget von Hiobs Sönen vnd
Töchtern/ Hiob am 1. Capitel/
Sonderlich auch die erfahrung/
das etliche Zauberische Perso-
nen gefangen/ vnd peinlich ge-
fragt seind/die bekendt vnd ge-
sagt haben / das sie disz vnd sei-
nes Wetter angericht vnd ge-
macht/haben / wie es dañ eben
darauf erfolget/ das man disz
Göttlich gebott nicht achtet/ so
Deut. am 18. Capittel Ge-
schrieben sthet. Hütte dich das
vndter dir nicht funden werdt/
ein Warsager oder Tagwöh-
ler / oder der auff Vogelge-

D liß schren

Ein Predig von dem
schrey achte / oder Zauberer / o-
der beschwerer / oder warsager /
oder ein Zeuchendeutter / oder
der die Todten frage. Den wer
solches thut / ist dem Herrn ein
grewel / So ist doch nicht zu
glauben / das der Teuffel oder
ein böser Mensch / ein Don-
nern vnd Bliken am Himmel
machen könne / wenn vnd wo
er will / anderst es wurde nicht
geschrifē stehn Hiob 38. Kanst
du die Blitz außlassen das sie
hinsaren / vnd sprechen hie sind
wir / Item kanstu deinen Don-
ner in der Wolcken hoch herfü-
ren / dz ist / niemandt kan Don-
nern

Lenten gegen das Wetter.

nern vnd Blizen / dann allein
Gott. Darumb solt man nicht
Glauben / wenns so Donnert
vnd Blizet / das es ein Mensch
thüt / vñ Gott nichts darumb
wisse/ Nein / Gott thuts vnd
weiz es wol / was für glück o-
der unglück inn der Statt ge-
schicht/ Und das ist / so in den
Klagliedern Hieremie stehet / da
er am 3. Capittel also spricht/
Wer darff den sagen / das sol-
lches geschehe / on des Herren
befelch/ Und das weder böses
noch gutes komme / auf dem
Munde des aller höchsten: Wie
murren dann die Leut im Leben

D v also?

Ein Predig von dem
also? Ein sedtlicher muric wi-
der seine Sünde.

Das aber Exodi am 9. Cap.
Moyses seine Hende gen Him-
mel hebt / vnd so gross Don-
nern vnd Blizen / ha auch ein
graussamer Hagel wirdt / der
gleichen nye gewesen / sind Leut
auff Erden gewesen / also das
beyde Bihe vñ Leut / vnter dem
Himel in ganz Egyptenlandt
erschlagen ward (on im Landt
Gose / da die Kinder Israels wo-
neten / thet es nit einem Hanen
schaden) ist nit Moyses / sonder
Gottes gewalt / vnd macht.
Dann also spricht der Text.
Der

Leutien gegen das Wetter.

Der HERR / Der HERR
vnd nicht Moyses / ließ Don-
nern vnd Hageln / das das
Fever auff die Erden schoß.
Doch kan wol geschehen / das
der Sathan / vnd die Mörde-
rischen Menschen etwas an-
richten / aber nicht eher vnd
weiter dann Gott verhengt/
anderst / es were nit war / was
im Hiob geschrieben ist.

Die dritte vnd füremebste
wirach darumb donner / hagel
vñschawr komen / ist die Sün-
de / das ist / weil man Gott aus
seinem

Ein Predig von dem
seinem Wort nicht erkennen/
noch ihn fürchten/Lieben vnd
vertrauen will / wie man bil-
lich solt/Exodi 20. Math. 22.
So müß GOTT vom hohen
Himmel/ also vnd dermassen
Predigen/ damit man wisse/ds
die Leut einen Allmechtigen
Gott im Himmel haben/ der
über alle ding will gefürcht vñ
geliebet sein/ Das ist / wie die
Berg vnd Felsen für seiner
macht erbidmen vñ zittern/ ds
wir auch also erzittern vnd bid-
men sollen/vnd dencken / Siehe
wen wir sonst nicht wästen das
ein Gott im Himmel were (wie
dann

Leutten gegen das Wetter.

dann der Gottlosß spricht / Es
ist kein Gott) so möchten wir
auß solchen Donner vnd Bli-
cken es lehnen. Dann so spricht
Hiob am 36. Er breytet seinen
Bliß auß / vnd erschrecket die
Leut damit / Item 37. Lieber
hört doch/ wie sein Donner
dürnet.

Darnach ist auch diß ein
vrsach/das man Gottes gaben
vñ Creatur/als Brodt Wein/
Bier/fleisch/Kleyder ic. Gew
lich misbraucht / das ist / weil
sich etliche böse Leut lassen ge-
dunkeln / Gott gebe darumb
gute Jahr / vol vnd genüg/
das

Ein Predig von dem

das man entweder fressen vnd
sauffen/ spilen vnd pancketie-
ren/oder aber Geizzen vñ Wü-
chern / vnd die armen mit be-
schweren solt / Lest vnser lieber
Her Gott/ seinen bogen (als
Donner vnd Blitz/ Hagel vnd
Schwrz/feuer vñ wasser / Krieg
vnd therrung/raupen vnd vn-
ziser) faren/ vnd holt so haus/
das man müß sagen : Es sey
war das im 5. vnd 7. Psalstie-
het/Gott ist ein Got/dem Got-
loß wesen nicht gefelt. Item
will man sich nicht bekeren / so
hat er sein Schwerdt geweckt/
vnd seinen bogen gespannet/
vnd

Leutten gegen das Wetter.

vnd zilet / vnd hat darauff
gelegt Tödtliche Geschoß / sei-
ne pfeile hat er zugericht / zum
verderben.

Vnd damit mans deste bes-
ser Glauben / vnd hinsüran die
Sünde meyden könne / so wöl-
len wir mer schrifften zum zeug
knauß einfüren.

Am andern Buch Moysc
im 9. siehet also geschriben. Du
trittest mein Volk vnter dich /
vnd wilts nicht lassen / Siehe
ich will Morgen vmb diese zeyt/
ein sehr grossen Hagel Regen
lassen / deszgleichen in Egypten
nicht gewesen ist.

Vnd

Ein Predig von dem

Vnd Deut. 28. Du wirst
vli Samens außfüren auff d^s
Feld / vnd wenig einsamlen/
Denn die Heuschrecken wer-
dens abfressen / Weinberge
wirst du pflanzen vnd bauen/
aber keinen Wein wirstu trin-
cken noch lesen/ Den die Würme
werdens verzeren. Delbewm
wirst du haben in allen deinen
Grenzen / aber du wirst dich
nicht salben mit öle / dann dein
ölbawm wirt außgerissen wer-
den. Söne vnd Töchter wirst
du zeugen vnd doch nicht ha-
ben/ Den sie werden gesangen
weggeführt werden. Alle deine
Bewme

Leutten gegen das Wetter.

Bewme vnund Früchte deines
Landes / wirdt das vndieser
fressen.

Item Amos am 2. Cap.

Umb der Sünde vnd Abgöt-
terey willen / so Ihr zu Bethel
vnund Gilgal treibt / hab Ich
euch in all ewern Stetten müs-
sige zeene gegeben/vnd mangel
an Brodt an all ewern orten/
noch bekert jr euch nicht zumir/
spricht der Herr. Auch hab ich
den Regen über euch verhal-
ten/bis das noch drey Monden
waren zur Ernden/vnd ich ließ
Regnen / über ein Statt / ließ

E ich

Ein Predig von dem
ich nicht Regnen / Ein Acker
ward beregendl/vnd der ander
Acker der nicht beregent ward/
verdorrete. Vnnd zogen/zwo/
drey Stette/zu einer statt / das
sie wasser trincken moechten/vn
kundten nit genug finden/noch
bekert ihr euch nicht zu mir/
spricht der Herr.

Item plaget euch mit durr-
rer zeit/vnnd mit Brandkorn/
So frassen auch die Raupen
alles / was in ewern Gärten/
Weinbergen / Feigenbewmen/
vnnd Delbewmen wuchs/noch
bekeret ihr euch nicht zu mir/
spricht der Herr.

Vnd

Leutten gegen das Wetter.

Vnd Haggai am 3. Capit.
So spricht der Herr Zebaoth
schawet wie es euch gehet. Ir
seet vil vnd bringt wenig ein/ Ir
esset vnd werdet doch nicht sat/
Ir trincket / vnnid werdet doch
nicht truncken/ ih: fleydet euch/
vnnid sondt euch doch nicht er-
wermen / vnd welcher gelt ver-
dienet/ der legts in einen locher-
ten Beutel.

Ir wartet wol auff vil/ aber
es wirdt euch wenig / vnnid ob
ihs schon heim bringt / so zer-
streue ihs doch.

E s Was



Ein Predig von dem

Warumb das / spricht der
Herr Zebaoth? Darumb / das
mein Haß so wüst steht / vnd
ein jeglicher eylet auff sein haß.
Darumb hat der Himmel vber
euch den Thaw verhalten / vnd
das Erdreich sein gewechs. Vñ
ich hab die Dürre gerüffen / bey
de vber Lande vnd Berge / vber
Korn / Most / Oele / vnd vber
alles / was auf der Erden kom-
met / auch vber Leut vnd Viehel
vnd vber alle arbeit der hende.

Das also die Sünde / die el-
nige ursach ist / darumb vnge-
witter vnd schauer / Item vñ-
dieser

Leutten gegen das Wetter.

Dieser vñ Dürre/über die frächte
kommen. Darumb man diese vr
sach erkennen vnd gemelte straf-
fen/nit für ein natürlich / noch
zuselligs ding achtet solt.

Nun folget zum An-
dern / von den Mitteln/so ein
Christ in solchen nö-
ten brauchen
solt.

GE vnd wir die rechten
Mittel anzeigen / müssen
wir zuvor der Aberglaubischen
vnd Unchristlichen Leut mittel
beschen. E ist Der

Ein Predig von dem
Der vnd christen vnd Papi-
sten Mittel / so sie wider dz vngewitter brauchen / siehen inn
Glockenleutten / Auch Horn-
blasen / Büchsen inn die Lusst
schiessen / Palm vnd Kerzen
brennen / die Lusst oder das wet-
ter unter dem Himmel anspre-
chen / S. Johannis Euange-
lium vnd die Bäpftischen Li-
taney singen vnd das für hal-
ten / so weit man den hall höre /
soll vnd werde es nich schaden
thün / Wie man dann eben die
Glocken darumb getaufft / rei-
che gefattern darzu gebetten /
vnd eine mit disem / die ander
mit

Leutten gegen das Weiter.

mit jenem namen/ als Maria/
Dorothea ic. genandt/vnd das
volck sehr darauff gewisen hat.
Aber es ist alles vurecht / vnd
wider Gottes wort / dz ist/weil
man todte ding / der lebendigen
Gottlichen macht/ entgegen ge-
setz/sollens die Prediger straf-
sen/vnd nicht leyden / Dann
es heisset Gott sein ehre rauben/
vnd denen dingen zulegen/ so wi-
der GOTTES macht nichts
vermogen.

Also strafft der Prophet Mi-
cha am 6. Cap. die Heuchleri-
schen vnd Geizigen Juden/ vñ
E iiiij spricht

Ein Predigron dem
spricht : Womit soll ich den
Herren versämen ? Mit bucken
für dem hohen Gott ? Soll ich
mit Brandtopffern vn jährigen
Kelbern ihn versünen ? Meinst
du der HERR hab gefallen an
viel Tausent Widern / oder am
Diele / wenns gleich vñzlich
Ströme volweren ? Oder soll
ich meinen ersten Sohn / für
meine vbertretung geben ? O-
der meines leibes frucht / für die
Sünde meiner Seelen ? Es ist
dir gesagt / Mensch / was gut
ist / vnd was der Herr von dir
fordert / Nemlich / Gottes wort
halten / vnd liebe vben / vnd de-
mütig

Leütten gegen das Wetter.

müttig sein für deinem Gott.
Das ist / Es wirdt euch gegen
Gott nichts helffen/ ob ic schon
viel eusserlicher Werck thüt/
Das aber kan euch helffen/ so
shir Gottes Wert mit Glauben
annehmt/vnd mit der that dar
nachlebet. So dann die Juden
shir bucken vnd Opfernt/nicht
geholffen/das doch Gott besol-
hen vnd eingesetzt hatte/vil we-
niger wirdt vns das Glocken-
kutten/Kerzen vñ Palmblättern
helffen / das nicht Gott/
sondern Menschen / dem rech-
ten Gott zu wider auffbrachte
haben. Es sey dann/ wie her-

E v nach

Ein Predig von dem
nach wirt folgen/ das man sich
mit ernst an Gottes wort be-
gebe.

Nun sind aber etlich Aber-
glaubische Leut / die geben für/
das die schwarzen Wolcken/
durch solch Leutten vnd schies-
sen zerrent/vnd der Hagel auff
gehalten werde/ &c. Diese sollen
wissen/das diß nit mittel sind/
die Gottes zorn auffhalten/vil
weniger gar abtreiben. Vnd da
da es so were / Wie fast alles
Bauersvolck darauff bestechet/
So wurde der liebe Gott solch
mittel den Juden im alten Ze-
fament/

Leutten gegen das Wetter.

stament/ auch eröffnet vnd gesagt haben. Liebes volck/ wen's Donnert so leuttet alle Glöcken. Nun ers aber niergends gethan/ sonder solche vñnd der gleiche lose mittel gestrafft vnd verdampft hat (Wie auch hiob am 37. gesagt wirdt/ Wen sein Donner gehört wirdt / so kan man ihn nicht auff halten) so sollens fromme Prediger auch straffen vnd verdämmen.

Ja sprechen etliche klügling vnd alte Weiber/ En trawn / dß Leutten ist dennoch nicht zu verachten / dann es dienet am wenigsten

Ein Predig von dem
wenigsten dazu / das die Chri-
stien dadurch zum Wachen vnd
Betten ermant werden. Ant-
wort/ Disz wer wol ein mei-
nung/die man etwann ein zeit-
lang vmb der schwachen willen
gedulden kôndt / sonderlich da
etwann nur ein Glöcklein/ vnd
nicht das ganze Kirchenspil ge-
reget wirdt / Aber weil es bey
disej meinung nicht bleibt/son-
der gentlich dafür gehalten
wirdt / das Leutten diene für
den Hagel / Sonderlich wenn
man die gewehhet Glocken an-
zeucht/ neben dem/das auch nit
von nôthen / das die Christen
erst

Leutten gegen das Wetter.

erst durch Glockenleutten / zu
Wachen vnd Betten verma-
net werden / seitemaln sie vor
lengst durch den Gottlichen be-
selch vnd ihr selbs noth/ha et-
wann durch einen Donner-
schlag ermanet sind/solt mans
nur abschaffen / vnd weder eine
noch alle Glocken Leutten.

Lieber sie möchtens aber nit
hören / darumb müß man mit
allen Glocken Leutten z Antwort.
Die Christen wissen wol/
das sie on unterlaß Betten / von
des Herrn in rechter vnd stichter
Büß erwarten sollen / vnd da
man

Ein Predig von dem
man nimmer kein Glocken leut-
tet/wurden sie dennoch betten/
Vnd da sie das Göttlich gebot-
vnd verheissung zum Gebet/
nicht vermanet / so wirdts die
Glocken noch viel weniger
thun / Sintemal sie weder
macht/trew / noch verheissung
hat. Darumb mans da auch
wol vnterlassen/ vnd die-
weil etwas anders
fürnemen
kan.

Von

Leutten gegen das Weiter.

Von dem Andern vnnd
rechten Mittel so Gott zu
gebrauchen besol-
hen hat.

Das rechte vnd Gott
lich Mittel siehet darinn/
das man sich von ganzem her-
ken zu Gott bekere/vnnd recht-
geschaffene frichte der Buß
thü/das ist/das man Ersilich
die vrsach bedenck/darumb sol-
cher grosser gewalt vnd ernst
kompt/nemlich vmb der Sün-
den willen/vnnd das man die-
selbe mit rew erkenne/vnd da-
yon ablasse/das ist/wo man
Gottes

Ein Predig von dem
Gottes wort veracht / vnd die
Edlen gaben missbraucht hat/
das mans nimmer thü / sonder
Gottes wort ehre / vnd die ar-
men bedencke.

Darnach das man durch
das Gebet / im Namen Chrsii
hülff vnd rettung bey GOTT
siche / wie der 50. Psalm lehrt.
Rüsse mich an inn der noth / so
will ich dich er hören. Und Jo-
han. am 16. Was ih den Vat-
ter inn meinem Namen bitten
werdet / wirdt er euch geben/
Bisher habt ih nichts gebet-
ten/ Bittet das ewer frewd vol
kommen

Leuten gegen das Wetter.

Kommen werde / Wie dann eben
dieser vrsach halben / die Kirche
inn unser Deutschen Letaney /
mit disen worten für Hagel vnd
Ungewitter zu betten verord-
net hat / für Hagel vnd Unge-
witter / Behüt uns lieber Herre
Gott. Die Frucht auff dem
Lande geben vnd bewaren / Er-
höre uns lieber Herre GÖTE.
Item in der Preussischen Leta-
ney / Du wölst auch Heri in dei-
ner handt / Erhalten die Frucht
auff dem Landt. Behütten sie
für Hagel vnd schad / Zu brau-
chen / recht gib uns auch guad /
Das sic nicht vnsern Leib be-
F schwens

Ein Predig von dem
schwern/ Vnnd unsere Herzen
von dir kern.

Doch weil disz zeitlich ding/
vnd an der Seelen heyl nicht
schedlich ist / ob gleich zu zeiten
vngestum wetter/vnd ein vn-
fruchtbar Jar ist / soll man die
sache inn Gottes willen sezen
vnd also sprechen.

D Ewiger ALMNechtiger
Gott / wir haben jha mit
verachtung deines Worts/vnd
desselben Diener / Sonderlich
mit Missbrauchung deiner ed-
len gaben / vnd Creaturen/
wol

Leüten gegen das Wetter.

wol verdienet / das du vnn
straffest / wie dann solche straff
yehz vor Augen / oder ihe nicht
ferne ist / Aber doch bitten wir
dich / du wöllest vnn Gne-
dig sein / vnd die woluerdien-
ten straff (als Donner / Pliß/
Hagel / vnd Schauer / Item
Krieg / Thewrung / vnd Pest-
lenz) von vnn nemmen / vnd
mit einem Seligen fruchtbar
Wetter begaben. Da es aber
dein wille / vnd vnsrer nuß nicht
ist / wie wir dann nicht allezeht
wissen / was dir gesellig vñ vns
fruchtbarlich ist / so gescheh dein

S i s wille.

Ein Predig vondem
wille/allein gib gnad/das wirs
mit geduldt vberwinden / vnd
vns bessern mögen/ durch Ihe-
sum Christum vnsern HERREN
Amen.

Wo das Gebett also ge-
schicht (wir reden hezt nit von
den Vnchristen / welche / ob sic
schon betten / vnd sich für der
Allmechtigkeit GOTTes ent-
sezen / so höret sie doch GOTT
nicht / darumb das sie in bösem
gewissen leben / vnd sich keines
wegs wöllt bessern / Johan. 9.
Capittel) da müß von not we-
gend die schwarze Wolcken Got-
liches

Leutten gegen das Wetter.

liches zorns zertrent / vnd Don-
ner vnd pliz / Hagel vnd schawre
abgetrieben / oder ye gelindere
werden. Und das bezeugt erst-
lich Moyses / Leui. am 26.

Werdet sr in meinen sakun-
gen wandlen / meine gebott hal-
ten vnd ihun / So will ich euch
Regen geben zu seiner zeyt vnd
das Landt soll sein gewechs ge-
ben / vnd die Bewme auff dem
Felde / ihre fruchte bringen. Und
die Dreschezeit / soll reichen bis
zur Weinernden / Und die
Weinernde soll reichen bis zur
zeit der Saat / Und follet
Brotts die fülle haben / vnd
S III sole

Ein Predig von dem
solt sicher in ewrem Lande wo-
nen. Ich will fride geben inn
ewrem Lande / das ih schlaffest
vnd euch niemandt schrecke. Ich
will die bösen Thier aus ewrem
Lande thun/vn soll kein schwert
durch ewer Landt gehn/das ist/
es soll dir nichts schaden/weder
Fever/wasser/Hagel/schauer/
Menschen noch Teufel.

Vnnd hernach im 5. Büch
Moyse am 28. Capit. Wenn
du der Stimme deines Gottes
gehorchten wirst / das du hal-
test vnd thust alle seine gebott/
die ich dir heut gebiete/So wirt
der

Leutten gegen das Wetter.

der HER R machen / das du
vberfluss an güttern habē wirfst /
an der frucht deines Leibs / an
der frucht deines Vieches / vnd
an der frucht deines Ackers.
Er wirdt dir seinen guten schatz
auffthun den Himmel / das er
deinem Lande regen gebe in sei-
ner zeyt / vnd das er segene alle
werck deiner hende.

Item Hiere. Cap. 18. Plöß
lich rede ich wider ein König-
reich vnd Volck / das ichs aufz-
rotten / zerbrechen / vñ verderben
wölle. Wo es sich aber beseret

F iiii von

Ein Predig von dem

Von seiner bosheit dawider ich
rede/so soll mich auch rewen d^{er}
unglück/das ich jn gedacht zu-
thun / vnd Maleachi am 2.
Capit. Bringet aber die zehn-
den ganz in mein Kornhaus/
auff das in meinem hause speise
sey/Vnd prüfet mich hierin/
spricht der HERR Zebaoth/ob
ich euch nicht des Himmels fen-
ster auffthün werde/vnd segen
herab schütten die füle.Vnd ich
will für euch den fresser schel-
ten / das er euch die frucht auff
dem felde nicht verderben soll/
vnd der Weinstock im Acker
euch nicht vnfruchtbar sey.

Darumb

Leutten gegen das Wetter.

Darumb soll ewer liebe hin-
fort an statt des Glockenleutten
vn Palm'brennens zur rechtge-
schaffen Buß vnd Chriſtlichem
Gebet greiffen/vnd nicht zwie-
ſeln/ der vns hat heiffen vnd
lehren betten / der hat auch ge-
ſagt vnd geschworen / er wölle
vns in ſeinem Namen Gnedig
erhören.

Das also ewer liebe auff diſ-
mal gehört/das man hinsüran
von dem Leutten gegen das
Wetter/vnd anderer lappen-
weiß/ſo man ein zeytlang / als
beweret dagegen gebraucht/hal-
ſe v ten

Ein Predig von dem
ten vnd glauben soll / Nemlich
das mans vmb des Leydigen
misbrauchs willen / so bald ab-
thun vnd allein zur Buß vnd
Christlichem gebet für allen din-
gen greissen solt. Darumb man
solche Predigt fleissig mercken
vnd auch dahelme den Kind-
lein dauon sagen solt / damit
wenn ihr oder sie darumb ge-
fragt werden / ihr alsdann also
antwort gebt.

Das Leutten vnd Schiessen
gegen das Wetter / Item Psalm
vnd Kerzen brennen / oder die
4. Euangelia in die Lufft lesen/
der-

Leutten gegen das Wetter.

dergleichē Segnerey treibē/vñ
das Sacrament sampt den Fa-
nen vñ Kreuzen vmb den Flor
füren/wie ich zu meinen zeysten/
zu Ingolstatt in meinem Vat-
terlandt / alle Montag in den
Pfingst Fehrtagen gesehē hab/
Ist ein lautter Menschensatz-
ung vnd Beysischer grawel/da
durch die Leute Gott erzörnen/
vnd nicht versönen/Vnnd weil
ein grosses vertrauen darein
gesetz wirdt / so ist es ein Ab-
götterey vnd Sünde/ solt der-
halben von den Christen nicht
allein gemitten / sondern auch
durch

Ein Predig von dem
durch die Oberkeit abgethan
werden. Dagegen aber so ein
Ungewitter kompt / solt man
sie zur Büß vnd dem Gebet
halten/dz ist / man solt die sän-
de erkennen/gnad vnd verge-
bung begeren/vnd sich one ver-
zug bessern vnd frömmmer wer-
den/So werden nicht allein die
zeitlichen straffen/sondern auch
die ewigen aufgehoben / oder
he gelindert werden/Durch Je-
sum Christum unsern
HERREN/
Amen.

Syrach

Leutten gegen das Wetter

Syrach Cap. XL.

PEwr/Hagel/Hunger
D Todi / solches alles ist zur
Rache geschaffen. Die wilden
Thiere / Scorpion / Schlan-
gen / vnd Schwerdt sind auch
zur Rache geschaffen / zuuerder
ben die Gottlosen / Mit frew-
den thün sie seinen befehl / vnd
sind bereit / wo er iſt bedarff auf
Erden / vnd wenn das stünd-
lein kompt / lassen sie nicht
abe.

Item Mord / Blüt / Hader /
Schwerdt / Unglück / Hunger /
verderben

verderben vnd Plage / Sol-
ches alles ist geordnet wider die
Gottlosen. Dann auch die
Sündflut / vmb jren wil-
len kommen
müste.



Ein kurzelehr

bund Trost / Wes man
sich inn grossen Ungewittern /
wenn es grausam Donnert
vñ Plizet/erinnern / Wes man
sich Trosten / Und wie man
sich dem lieben GODE
trewlich befel-
hen soll.

3a 85

Auff einer Hohen Person fleissiges bitten vnd bege- ren gestellet/Durch

M. Christophorum Vischer/
Pfarherrn zu Schmalkalden.

An den Christlichen Leser.

Gnad vnd Fried in Christo
zumor / Christlicher lieber Leser /
Ich bin von einer hohen / Christ-
lichen / vnd Gottes Wort liebenden
Person / ersucht vnd angelangt wor-
den / iher einen treuen rath vnd besten-
digen Trost aus Gottes wort mitzu-
theyle / wie sie in der Horch / damit
sie in gewlichem Ungewitter / Don-
nern vnd Plizzen umbfangen / sich
Trosten vnd ermanen / sich auch Got
befehlen / vnd iher nottleydendes herz
zufriden stelle könne. Weil ich denn
solches iher nit habe wissen abzuschla-
gen / habe ichs / damit es desto beque-
mer zu Lesen / inn Druck verordnen
wollen / vnd nach dem vil frommer
Christen gleichsfall in dem Spittel
franc

Vorrede.

franc ligen vnd disen sechigen Som-
mer vermutlich grosse vngewitter ein-
fallen mochten / habe ich solches an-
dern zum besten / die es nicht besser wis-
sen / auch mittheylen wollen. Und bie-
te den Vatter unsers Herren Ihesu
Christi / Er wölle alle trostlose herzen
als ein Trost aller trawrigen / ein sterck
aller schwachen / eine ruhe aller mü-
den / ein erquickung aller betrübtten /
mit seinem heiligen Geist trosten / vns
allen semplich / die es herzlich bege-
ren / von aller trawrigkeit vnd kum-
mernis endbinden / vnd der ewigen
frewde theylhaftig machen / Amen.
Gott befahlen. Datum Schmal-
alden / Donnerstag nach Quas-
modogeniti Anno 1566.

M. Christoff Bischer.

G Ein

Was man sich trösten soll/
Ein Bericht für ein Ho-
he Person/die sich hart da-
rob entsetzet/wenn es
Donnert.

Gest nicht ohn / das der
Gstarcke Got (ungeacht des)
was auch die Physici in ihren
Büchern von den Natürlichen
vrsachen des Donners schrei-
ben) im Donnern Plizen / sei-
ne vnendlich macht/vnnd sehr
grosse erschreckliche gewalt er-
zeige vnd beweise. Denn sol-
lches zeiget die ganze heilige
Schrift / darinnen GOT
allein seinen willen dem armen
Mensch-

Wann es Donnert vnd Plizet,
Menschlichen geschlecht eröffnet
klerlich an.
GOTI straffet Pharaonem
vnd seine vnbüßfertigkeit mit
Donner vnd Hagel/ das das
Fewer auff die Erden schoß/
Exod. 9. Also hat GOTI sein
Gesetz mit Donnern vnd Pli-
ken gegeben/ Exod. 19. Das
meniglich daroberschrack/ flo-
he vnd von ferne trat/ Gottes
Stimme nicht ertragen konte/
Sondern Mosen bate/ er wol-
te mit GOTI reden / sie be-
sorgten sich sonst / sie müsten
sterben.

G ij Vnd

Wes man sich Trosten soll/

Vnnd da Job von Gottes
macht redet / sagt er am 26.
Cap. Wer will aber den Dono-
ner seiner Macht verstecken?
Vnd Elihu spricht zu Job / da
er von Gottes macht redet/
Job 36. Wen Gott fünnimbt
die Wolcken außzutreiben / wie
sein hoch Gezelte/ sihe/ so breit-
tet er auß seinen Pliz über die-
selbe/vnnd bedeckt alle ende des
Meers / Denn damit schrecket
er die Leute/vnnd gibt doch speise
die fülle/ Er decket den Pliz wie
mit Henden/ vnd heissets doch
widerkommen / Dauon zeuget
sein Gesell/nemblich des Don-
ners

wann es Donnert vnd Plizze,
uers zorn in wolcken. Vnnd im
volgenden 37. Cap. Sagt er:
Des entsetzt sich mein herz vñ
bebet/Lieber höret doch wie sein
Donner zürnet/ vnd was für
Gesprech von seine munde aufz
gehet. Er sihet vnter allen Hi
meln/vñ sein Pliz scheinet auff
die ende der Erden. Demnach
brülltet der Donner/vñ er Don
nert mit seinem grossen schalles/
Vnd wenn sein Donner gehört
wirdt/kan man's nicht auffhal
ten. Gott Donnert mit seinem
Donner gewlich / vnd thut
grosse ding / vnd wirdt doch
nicht erkandt.

G iii Za

Was man sich Trösten soll /

Ja der lebendige Got spricht
selbst / Job. 38. da er mit Job
vom Himmel herab Sprach helt /
vnnd seine ehre rettet: Wer hat
dem Plätzegen seinē lauff aus
getheylet? Vnnd den weg dem
Plätz'en vnnd Donner? Vnnd
bald hernach: Kanſt du deinen
Donner inn der Wolcken hoch
herfuren? Oder wirdt dich die
menge des Wassers verdecken?
Kanſt du die Plätz'en außlaſſen/
das ſie hinfaren vnd ſprechen/
Hie ſind wir?

Vnnd der Königliche Pro-
phet David sagt im 18. Psal.
Vnnd der Herr Donnert im
Himmel

wann es Donnert vnd Plizet.

Himmel / Vnd der Höheste ließ
seinen Donner auss mit Hagel
vnd Plizzen. Er schoß seine stra-
len vnd zerstrewet sie / Er ließ
sehr Plizzen / vnd schrecket sie.
Vnd im 77. Psalm : Die dicke
Wolcken gossen Wasser / Die
Wolcken Donnerten / vnd die
stralen füren dahin. Es Don-
nerte im Himmel / deine Plizze
leuchteten auss dem Erdboden /
Das Erdreich regete sich vnd
bebete dawon. Vnd der 140.
Psal. zeiget an / Das die Was-
ser von Gottes schelten fliehen /
vnd von seinem Donner da-
hinsaren.

G 11111 **Aus**

Was man sich Trösten soll/

AVß oberzelten zeugnüssen
sehen wir / das der starcke
Gott seinen zorn vnd vnendtli-
che Macht im Donner schen
lasse / vnd das billich ein armer
Erdenklos sich dafür entseßet/
vnd den starcken eyferigen zor-
nigen Gott fürchten soll / wel-
che forcht Gottes / aller weiß-
heit / glücks vnd heylß / anfang/
quellborn vnd vrsprung ist / wie
Salamo vnd Jesus Syrach
an vilen orten neben der ganzen
heiligen Schrift bezeugen.

Darum soll ein jeder Christ/
so oft es Donnert vnd Plizet/
in sein herz schlähet / seine grosse
manch-

Wann es Donnere vnd Plizer.

manchfältige schlaffende Sünden/durch den hellen schall vnd dohn auffwecken lassen / zum Kreuz kriechen/Gott einen füß fall thun/vn in bitten/Er wölle mit im nit ins gericht gehn / die alte schuld nicht rechnen / sondern Gnade einwenden / nicht seinen ganzen vnendlichen zoren über ihm ausschütten / Imme vmb des teuren Blüts vnrei-nen heiligen Wunden Ihesu Christi willen / alle seine Sünden verzeihen vnd vergeben/ In auch fortbaß seinem Fürstliche freudenreichen Geist regieren/ Ds er den schweren Vogel / den

G v All-

Wes man sich Trösten soll/
Allmechtigen Gott/mit seinen
Sünden nicht erzürne / ihme
auff den hals lade / vnd ihm in
die Spiesse lauisse/ Den für sei-
nem zorn zerschmelzen Berg
vnd Thal / Niemandt kan für
seinem grimmigen zorn besté-
hen. Das also der Donner vñ
Pliz ein starker Büßrüffer
sen/vns alle sempflich zur Büß-
se vnn d bekerung ermane/war-
lich/wer nun sicher ist / sich für
sollichen gewlichen anblicken
nicht fürchtet / sondern noch
lachet / Gottes spottet / der ist
kein Christ.

Aber

Wann es Sonnert vnd Plizet.

Aber doch sollen wir vns nit
fürchten/wie die Heyden/Auch
mit den verdampften Papisten
vns nicht vnderstehen/ solchen
ernsten zorn Gottes mit geweh
heten Johannis Blümen oder
der gewehheten Glocken zuver-
treiben/mit gleichen freutern zu
stellē/ Heuser/Fenster/Thür/nc.
Damit bestecken / welches eine
gewliche Abgötterey / Zaube-
rey / Superstition vnd Aber-
glaube ist.

Wir sollen auch nicht mit vn-
uerstandt S. Johannis Evan-
gelium / Im anfang war das
Wort/

Wes man sich Trösten soll/
wort/ke. Lesen/ als ob die Büch
stabēn dise krafft hetten/ das sie
den Donner vertriebē/ ob gleich
solche wort ohne Glauben ge-
lesen vnd gehört wurden. Dañ
damit heuffen wir vil mer Got-
tes zorn über vns. Sonder ein
Christ soll seine Sünde / nach
dem er die erkandt/bekandt/ vñ
Gottes zorn fület vnd empfin-
det/auff den einigen hohen Alt-
tar Iesum Christum/ das wa-
re Leimblein Gottes / den rech-
ten starcken Sündentreger/
Opffern / vnd gewiss glauben/
das diser Sönlche Mitler/
unterhendler / frideschildt vnd
Schidg-

Wann es Donnert vnd Plizet.

Schidsmañ / Gottes gewil-
chen jorns / vermittelß seines
thewien Blüts / gehorsams vñ
verdienßt gestillet / vnsere suns
de in dem Heilbrunnen / dē wei-
ten / tiefften / breyten Gnaden
Meer seines teuren allerheilig-
sten Blüts ertrencket vñnd er-
seuffet / vns dagegen mit Gott
zu friden gestellt / mit seiner Ge-
rechtigkeit / vnschuld vñnd hei-
ligkeit bekleidet habe / Das der
Himliche Vatter / so bald wir
vns unter Christi Allmechtige
flügel vnd Gnadenreiche fitti-
ge verbergen / schleinig die au-
gen seiner ernsten strengen ge-
rechtig-

Wes man sich Trösten soll/
rechtfigkeit von uns keret/ vnd
die Augen seiner grundlosen
Gnad vnd Barmherzigkeit
allergnedigst zu uns wendet.

Ja/der trewe frommen Vat-
ter im Himmel/ hat uns vmb
Christi willen/mit ewigen Le-
bendigen Buchstaben/ inn sein
Vätherliches Herz / so tieff ge-
schriben vnd geprediget / das
uns ohne seinen Gnedigen wil-
len nicht ein Har vom Haupt
fallen / vil weniger ohn sein vor
wissen das Wetter beschedigen
kan. Wer auff GÖTTE traut
der hat wol gebawt. Wer sich
-glichen

Wann es Donnert vnd Plizet.

täglich / wenn er auffstehet vnd
zubeth gehet / wenn es beginnet
zu Donnern vnd zu Plizzen /
mit warem Glaubē in des All-
mechtigen schutz / schirm / ver-
spruch vnd geleyt befihlet / Da-
neben wie gemeldt / in Gottes
furcht lebet / der wirdt wol blei-
ben / wie der 46. Psalm sagt :
GOTT ist vnnser zuuersicht
vnd stercke / Eine hülfe in den
grossen nöthen / die vns troffen
haben / Darumb fürchten wir
vns nicht / wen gleich die Welt
vnd tergienge / vnd die Ber-
ge mitten iñs Meer sinken /
WENN gleich das Meer
wütet

Wie man sich Trösten soll/
wütet vnd wallet / vnd von
seinem vngestüme die Berge
einsielen/Sela. Dennoch soll
die stadt Gottes sein lustig blei-
ben mit ihren Brünlein / da die
heiligen wonungen des Höch-
sten seind. Gott ist bei jr drin-
nen/Darumb wirt sic wol blei-
ben / Gott hilfft ihr fru. Der
Herr Zebaoth ist mit vns / der
Gott Jacob ist unser schutz.

Dergleichen Sprüche sind
mehr/Als David spricht im 3.
Psalm: Ich lige vnd schlafsel/
vnd erwache/ Denn der Herr
helt mich. Ich fürchte mich nit
für vil hundert tausent / die sich
vmb-

Wann es Donner vnd Plizer.

her wider mich legen. Vnnd
im 18. Psalm sagt er: Herz-
lich lieb habe ich dich / HErr /
meine stercle / Herr / mein Fels /
mein Burg / mein Erretter /
mein Got / mein Hort / auff den
ich trawe / Mein Schilt / vnd
Horn meins Heyls / vnd mein
schutz. Wenn mir angst ist / so
rufse ich den Herren an / vnd
schrehe zu meinem Gott / So er-
hoet er meine stim von seinem
Tempel / vnd mein geschrey
kompt fur ihn zu seinen ohren.
Psalm 23. Vnnd ob ich schon
wandert im finstern thal / furcht
ich kein vnglück / Denn du bist

H ben

Was man sich Trösten soll/
ben mir Dein Stecken vnd
Stab (das ist dein göttlich
wort) trösten mich. Psalm. 27.
Der Herr ist mein Leicht vnd
mein Heil / Für wen soll ich
mich fürchten ? Der Herr ist
meines lebens krafft / für wen
sollte mir grauen ?

Summa/vnser zeit stehet in
Gottes henden / So Gott für
vnns ist / wer mag wider vnns
sein ? Wir leben oder sterben / so
sind wir des Herrn. Welche ihn
anschauen vnd anlauffen / derer
angesicht wirt nit zu schanden.
Da diser ellende rieß / höret der
Herr / vñ haiffe jn auß alle nöt-
ten.

Wann es Donnert vnd Plizet.

ten. Wenn die gerechte schreyen/
so höret der Herr / vnd errettet
sie aufz alljrer noth/ Er bewa-
ret alljre Gebeine / das der nit
eins zerbrochen werde.

Solcher Exempel kündten
wir auch vil anziehen/vnd vns
damit trösten. Da der Herr ließ
Donnern vnd Hageln über die
Egypter / das das Feuer auff
die Erdenschöß/vn bede Menschen/
Bihe/ Gras/ Kraud vnd
Bewine zerschlug / Exod.9. Ha-
gelte es im Lande Gosen / da
die Israheliten woneten / nicht
sie bliben vnbeschädigt.

H II Also

Was man sich Trösten soll)

Also fürete Gott die Isra-
helite mit trucknem fuß durchs
Rote Meer / Exod. 14. Und
durch den Jordan / Josu. 4. Jo
nam erhielt er mitten im Meer
ins Walfisches bauch / Jon. 2.
Die drey Jüngling mitten im
glüenden Ofen / Dan. 3. Da-
nielem inn der Löwen grüben/
Dan. 6. Will andere Erempel
kürz halben geschwengen / die
vnnst trosten / das der gerecht/
das ist ein Christ / soll getrost
sein / wie ein junger Löw / Pro-
verb. am 28. Wenn eine Pla-
ge kommen will / soll er sich nicht
fürchten / sondern vnuerzagt
auß

Wann es Donnert vnd Plizet:
auff den Herrn hoffen / sein herz
soll getrost sein / vnd sich nicht
fürchten / Psal. 112.

Wir sind in Gottes All-
mechtigen Henden frestig be-
schlossen / darauß vns nie-
mandes rauben kan. Die Gote
losen mügen sich wol fürchten /
die einen vngedigen Gott vnd
ein böses gewissen haben / kei-
nen trost fülen / denen gilt auch
solcher zorn / Gott wincket vnd
drowet ihnen damit / Da sie nit
werden inn der zeyt der gnaden
Büß thun / weil ihnen die gul-
dene Gnadenhür vñ die rechte

Hür in Himmel-

Was man sich Trösten soll/
Himmelspforte noch angelweit
offen stehet/ So wölle er sie mit
Donner vnd Blich inn das
grausame erschreckliche Helli-
sche schwer schmettern. Christen
aber wissen das gewiß / das
Gott ihr lieber Vatter / Chri-
stus Ihesus ihr treuer Bru-
der/Mittler/Vorbüttler / vnd
Liebhaftriger Genadenthron/
Der Heilige Geist ihr Rathge-
ber/Trostier/beystandt vnd ge-
ferte/Die lieben Engel ihic hüt-
ter/wechter vnd Gelehrte leute
seyen/die auff sic beschide sind/
vnd ihnen auff den dienst war-
ten / eine Wagenburg vmb sic
schlagen/

Wann es Donnert vnd Plizet,

schlagen / I hashnen ihre hende
unter breitten / das sie nicht ein
vnsanften tritt thün / Ob sie
auff lautter Löwen / Ottern/
Jungen Löwen vnd Drachen
giengen. Traun / wer vndter
dem Schutz des höchsten sitzt/
vnd vndter dem schatten des
Allmechtigen bleibt / der spricht
zu dem Herien : Meine zuver-
sicht vnd meine Burg / mein
Gott / auff denn ich hoffe / Den
er errettet mich von dem stricke
des Jegers / vnd von der sched-
lichen Pestilenz / Er wirdt dich
mit seinen fittigen Decken/
vnd deine zuversicht wirdt

H illi sein

Was man sich Trösten soll/
sein unter seinen flügeln/Seine
warheit ist Schirm vnd schilt.
Das du nicht erschrecken mäss-
test/für dem grawē des nachts/
für den pseylen die des tags flie-
gen. Ob tausent fallen zu dei-
ner seiten vnd zehn tausent zu
deiner rechten/so wirdt es doch
dich nicht treffen. Denn der
Herz ist dein zuuersicht/der hö-
hest ist deine zusflucht. Es wirdt
dir kein vbels begegnen / vnd
keine plage wirt zu deiner hüt-
ten sich nahen/ n. Leset den gan-
zen 93. Psalm.

Also bezeuget auch der 103.
Psalm/das sich Gott über uns
erbarmen

Wann es Sonnert vnd Plizet.

erbarme wölle wie sich ein Vat-
ter vber seine Kinder. Vnnd ob
ein Mütter ihres natürlichen
Kindes vergessen kündte/wölle
er doch vnser nicht vergessen/
sondern vns in seinen Henden
zeichnen/ 3s. 49. Ob wir gleich
durchs wasser gehn müsten wie
Noath/ Ge. 7. Mit dem sichs
lenger denn ein ganz jar ver-
zog / So wölle er doch bei vns
sein/das vns die ströme nicht
solten erschaffen. Vnnd ob wir
ins Feuer gehen müsten / wie
die drey Knaben/ Dan. 3. sol-
ten wir doch nicht brennen / die
Flamme solte vns nicht anzün-

H v den/

Was man sich Trosten soll/
den/ Denn ich bin der HERR
dein Gott/ der heilige in Israel/
dein Heylandt/ spricht GOTT
Isa. 43.

Bis her hab ich gesagt/ das
man sich nicht fürchten
solle für dem Donner und
Blitz/ wie die Heyden. Nun
will ich ferner kürzlich dawon
reden / das man sich auch vil
mer dessen herzlich freuen soll/
Denn solche vngewitter sind
gewisslich vorbotten vnd vor-
lauffer des frölichen Jüngsten
tags / der unsrer heilfet tag oder
erlöser tag ist. Mit einer solchen
starcken

Wann es Sonnert vnd Plizet.

starcken Pusaunen wirdt vns
der Erzherzog des Lebens
Christus vnser lieber Herr/ am
Jungsten tage vom schlaff auff
wecken/ vns aus dem jammer/
dchern oder weyne thal/in sei-
nen frewdenaal furen / alles
vnser s ellends jammers vñ herz
leyds entnemē/all vnser leyd in
ein ewige freude verwandeln/
alle threnen von vnserm ange-
sicht abwischen/seinem verbler-
tem leibe ehnlich machen/traw-
ren vnnnd scuffzen von vns ja-
gen/dz freud vnd wonne vnser
heupt ergieusse/vñ wir leuchten
wie Sonn/Mond/vñ die Stern
des

Was man sich Trösten soll/
des Firmaments / immer vnd
ewiglich / das senige von ange-
sicht sehen vnd wesentlich be-
sizzen / das kein Auge gesehen/
kein ohr gehört / vnd ins Men-
schen herz nye gestigen ist.

Wenn ein grosser gewalti-
ger HERR ein arme Bettlerin
heim inn seinen Königlichen
Saal vnd Palast holen / die-
selbige ihm ehelichen vertrassen
lassen / vnd ihr in lieb vnd leyd
bewonen wolte / Würde sie da
für nicht erschrecken / wenn er in
die Posaunen stossen / die Heer
drumme gewaltig rüren / mit
grossen

Wann es Donner vnd Plizer.

grossen Fackeln herein leuch-
ten ließ / Sondern sie würde
sich dessen viel mehr herzlich
frewen / sich darauff schmücke /
ihrem Breutigam entgegen ge-
hen / in mit freuden entpfahen /
vnd Gott danken / das sie die
herliche zeyt erlebt / das sie von
iarem ellendt erlöst / ihrem lieben
Herren an der seitten stehet / vñ
ihm ehelich beywonen / eine Kō
nigin oder Keyserin werden sol-
te. Eh wie kommen wir aber auff
den vrath das wir darob er-
schrecken wöllen / wen der Himmels
fürste Christus unser lie-
ber Herr vnd Breutigam / der
sich

Wes man sich Trösten soll/
sich mit vns in der heilige Tauf
vertrawet / die Heertrumeler-
schallen leßt / vnd vns gnedige
vermohnung thut / er wöll vns
auß des leydige Teufels reich/
in sein Himmelisch Batterlandt/
burgerschaft vñ ewige wonung
heimholen/d; wir sein sollen wo
er ist / Da vns billich d; herk im
Leibe für frewden lachen / vnd
wir von grund vnsers herzens
zu ihm schreyen solten / Ach Herr
Jesu / komme nur bald / Und
solten vns unter des mit vns-
sern Oel vnd Lampen gefast
machen / das wir mit den fänsi
flügen Jungfräwen ihm mit
frewden

wann es Donnert vnd Plizer.
freuden entgegen giengen / vnd
nicht mit den fünff Edrichten
auß geschlossen wurden / Mat-
hei. 25.

Darumb so offt es Donnert /
soll sich ein Christ des letzten
Doners erinnern / da der Herr
Christus mit dem feldgeschrey /
der summe des Erzengels / vnd
mit der Posaunen Gottes vom
Himmel hernider kommen / vñ zur
zeit der letzte Posaune / die da er
schallen wirt / die Todten auff-
erweckt / jm in lässt entgegē die-
hen werde / 1. Kor. 15. 1. Thes.
4. Der letzte Doner wirt alles
Himmel

Was man sich Trösten soll/
Himmel vnd Erden/ sampt al-
lem was drinnen ist inn einen
Eloß schmettern/ In solchem ge-
rumpel vnd gepressel werden
alle Todten auferstehn/ vnd ent-
weder da sie seliglich in Chri-
sto entschlaffen / inn die Ewige
freude/ oder da sie in vnbüßter
tigkeit gestorben / inn die ewige
Traurigkeit eingehen. Und soll
ein jeder Christ/wenn es Don-
nert / Gott im Geist vnd der
Wahrheit anrufen/das Gott die
zeit Genediglich verkürzen/
mit seinem frölichen Herrlichen
Jüngsten Tage herein prallen/
vnd in regieren wölle/ das er
alle

Wannes Donnere vnd Plizer.

alle zeit wacker vñ munter sey/
Gott bitte / das er wirdig sein
möge/ allem jammer zu entfliehe
vnd für des Menschen Sohn
zu siehen; / Das er auch sein
herz nicht mit fressen / saussen/
vñ sorge der narung beschwere/
vñnd von dem tage schnell / wie
die Vogel von dem fallstrick/
überfallen werde / Sonderndz
er vil mehr sein haupt auffrich-
te/frölich sey/sich besleissige / dß
er vñstreichlich vnd vñbefleckt / in
freide/auff den tag seiner Erlö-
sung erfunden werde.

Wenn ein armer Sünder
auff den hals gesangen sesse/

3 vnd

Was man sich Trosten soll/
vnd alle tag gewertig sein mü-
ste / das man ihn außfürete/vn
sein recht thete / so würde er da-
rob nicht erschrecken/ wenn sein
Landesfürst mit einem großen
gepreszel/das das pflaster unter
ihm erschutterte / Einritte / et-
liche Hauptstück / wider den
Thurm / darinnen er gefangen
fesse / abgehen llesse / weil er wi-
sche / das solches ihm zu seiner
errettung gereichen sollte. Also
sollen wir auch darob nicht er-
schrecken / das Christus wend-
lich Rumort/pollert / Donnert
vnd Plihet / weil wir wissen/
das solches lauter Vorboten
vnd

Wann es Sonnert vnd Plizet.
vnd Vorlauffer vnser errettung sind.

Zu dem lest sich Christus horen / das er noch Lebe / für vns
ein Brüderliche vorsorge trage /
vnsern feinden stark genug / vñ
zum Heubten gewachsen seyl
Drowet auch vnsern Verfolgern / das sie werden rohn an
ihm / der noch Adem in der Maßen habe / Is. 2. fangen sich mit
im behengen vñ zuschaffen kriegen / der mit seine ensern Seepfer
dermassen unter dē iudische Zöpfern rumoren könne / dē ein
scherbeda / der ander dort nauß sprunge / Das wir also allweg

I ii mehr

Was man sich Trösten soll/
mehr uns der allmacht Gottes
freswen/ denn dafür erschrecken
sollen. Sintemal er damit an-
zeiget/ das er uns wider unsere
feinde schützen wölle. Er ist ihe
vñser Vatter / Der es Vetter-
lich/trewlich/herzlich vñnd güt
mit uns meinet.

Job wurde auch im Wetter
beschediget/ Job 1. seiner Kin-
der vñnd gütter beraubet / Aber
Gott erstattet s̄ ihm reichlich
vñd überflüssig/ das er zwysel-
tig mehr bekam / als er zuvor
hatte/ Job 42. Also Acto. 16.
Kam auch ein groß Erdbeden/
das auch das gebew darob er-
schütter-

Wann es Sonnert vnd Plizet.

schütterte / da Paulus vnd St-
las gefenglich eingezoge wur-
den / Aber solches gereichte jnen
nicht zum nachthenl / sondern
zum besten / Denn dardurch
wurden sie losz.

Darumb ist das der nechste
vnd sicherste raht / das sich ein
Christ / wie oben gehört / in Got-
tes schutz beselhe / vnd wisse / das
Gott seine Gnadenreiche hand
über jhn aufzbreitte / in gewal-
tig beschütze / das jhn niemande
aus seiner Allmechtigen hande
reissen könne / Joh. 10. Das in
auch weder trübsal noch angst /
noch gefährlichkeit / oder schwert /

I iß weder

Was man sich Trösten soll/
weder Todt noch Leben/ weder
Engel noch Fürstenthumb/we-
der hohes noch nydriges / noch
keine Creatur/vil weniger Ha-
gel/Donner oder Pliz/von der
liebe Gottes/die in Christo un-
serm Heren ist/scheiden könne/
Rom. 8.

Im fall aber / da wir solten
gleich nach dem gnedigen wil-
len Gottes auch mit dem Don-
ner zerschmettert werden / So
sind wir doch Gott einen Todt
schuldig/vnnd wie er vns den
auslegt/so sind wir jm schuldig/
mit gedult im Glauben zutra-
gen/vnd zu überwinden/damit

Wann es Donner vnd Plizer:
er vnn̄s eine thür/pforte / - ein-
gang / officin vnd Werkstadt
zum ewigen Leben werde. Wie
Elias auch also im Wetter gen
Himmel auff eine schwirgen Wage
gesürt wurde. Sehet nur, das
wir mit dem lieben alten Si-
meon/in frid vnd frewd / diese
arge Welt gesegnen / so werden
wir den Todt nicht schmecken
in ewigkeit / auch nicht iñs ge-
richt kommen / sondern durch
den Todt iñs ewige Leben drin-
ge. Dairein helfe vns der barm-
herzige GÖTE/der Himmelsche
Vatter / durch Christum Ihe-
sum/der vñser einige hoffnung /

3 iiiii weg

Was man sich Trosten soll/
weg / warheit vnd Leben ist/
sampt dem heiligen Geist / dem
Gott alles Trostes / gelobt inn
ewigkeit/ Amen.

Ein kurz Gebetklein/ das
ein jeder Christ / wenn es grau-
sam Donnert vn̄ Blitzen / spre-
chen / vnd neben dem Bat-
ter vnser betten
mag.

O Ewiger / Allmechtiger/
Warhaftiger lieber treuer
Gott / himlischer Vatter / Ich
erkenne vnd bekenne von grund
meines herkens/das ich leyder
ein

Wann es Sonnert vnd Plizet.

Ein grosser erschrecklicher Sün-
der bin / die zeit meines Lebens
bößlich mit wissentlichen vnd
unwissenlichen Sünden zuge-
bracht / auch damit nicht allein
zeytliche straffe / sampt dem To-
de / sondern auch ewige straffe
vnd bittern Todt verschuldet
habe / Aber / Ach mein lieber Va-
ter / ich kom in der zeyt der gna-
den zuuor / vnd bitte dich vmb
meines lieben Sündentregers
vnd Gnadenrons willen / du
wöllest mir alle meine gewli-
che Sünde vmb Christi willen
verzeihen / deinen gerechten zo-
ren gegen mir schwinden vnd

1100
3 v fallen

Was man sich Trösten soll/
fallen lassen / Mich auch sampt
den meinen/ in deinen gnedigen
allmechtigen schutz vnd geleyte
fassen / deine allmechtige flügel
über mich auf breitten / vnd da
es zu deiner ehre vnd meiner
seligkeit gereichen soll / mich al-
ler gnedigst vnbeschadigt erhal-
ten/ Wo es aber in deinem raht
erfunden / das ich also soll von
hinnen scheiden / mich gnedig-
lich auf dem betrübten Jam-
merthal inn den Ewigen Freu-
densal geleytten. Hilff aller-
liebster Vatter / das der Don-
ner meine Schlaffende Sände
erwecke / das ich dich starcken
mit dir *o* *E*
Gott

Wann es Donnert vnd Plizet.

Gott fürchte vnd vor augen
habe. Verkürze die zent/ vnd
pralle ein mal mit dem letzten
Donner vñ Posaunen herein/
das ich/vnd alle die in gievern
sind/folche stimme vnd geddn
höre/ mit frewden/ außwachet/
deinem lieben Sone in Lüfftten
entgegen gezuckt werde / dich
von angesicht zu angesicht sehet/
vnd vndter die Scheſlein ge-
ſtellet/ die frewdenreiche ſtim-
me meines lieben Herren Chri-
ſti höre / Kompt hehr iſt geſeg-
neten meines Vatters / ererbet
dʒ Reich / dʒ euch von anbegin
bereit iſt/ Das ich also dir lieber
Vatter/

Wes man sich Trösten soll / Wann es re.
Vatter / deinen lieben Sohn /
dem heiligen Geiste / allen ausz-
erwelten Engeln vnd Christ-
glaubigen / in ewigen freuden
beywonen möge / Amen.

Vatter unser / der du bist
im Himmel / re.

Vnd denn mit freuden ge-
sungen! Mit frid vnd frewd
ich fahr dahin. Oder / Gott
der Vatter wohn uns bey.

Oder / Mitten wir im
Leben sind / re.

Gott allein die Ehr

**Gedruckt zu
Nürnberg/ Durch
Valentin Geß-
ler.**

M. D. LXX.



die Stimme

der Erde

aus dem

al-

testament

in

den

neu-


testam-

ent

Cyrilicus Springenberg

✓

(Eesteburg 1563 (n. Gaußbisch))



SCHWARTZHELSER
VAN DER GOTT WILICHT

ALVENSLEBEN
Ba
85

Principia
mathematica

Newton
Principia
mathematica

Praeface
Principia
mathematica
aucto. Lutetiae
anno MDCCLXVII

1777

Werner
Mathematik
Lectures









Two Predigt,
Wie man sich Christlich
halten soll / Wan grosse Unge-
witter oder Hagel sich erheben / wie
sampt einer Unterichtung / von dem
Leutten gegen dem Wetter / Wan
rumb sie kommen / vnd wie sie vertrieben
werden. Auch ein Kurze Lehr vnd
Trost / Wie man sich in grossen
Ungewittern erinnern / weß
man sich Trosten
soll ic.

Die Erst.

D. Joha[n]n. Brenken.
Die Ander.

Thoman Rövers.
Das Dritt.

M. Christoffen Dischers.
1570.

